

明倫彙編
氏族典

林姓部

金姓部

任姓部

陰姓音合

基岑
黑潭

鄆 鍾

者生

尊尊

談
甘

南
藍

潭

鹽
閭

嚴姓部

詹姓部

(卷)

三五八—三六〇

一、

三六

姓音 三

篇
音

歲音

三

三六

昇

部
三六

 1170

附

三十一

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典

第三百五十八卷目錄

林姓部列傳二

宋二

林叔豹

林公武

林珣

林栗

林之奇

林紹堅

林湜

林大中

林外

林安宅

林枏

林保

林國鈞

林維屏

林一鳴

林萬頃

林家

林光朝

林穎

林謙之

林行可

林璞

林蕨

林頤叔

林震

林宗臣

林霜

林夢英

林子冲

林公玉

林仲彝

林易簡

林肅

林宗放

林次齡

林公洽

林祖洽

林拱辰

林孔昭

林武

林恪

林椿

林豫

林洽

林學蒙

林蕃

林夢正

林原佐

氏族典第三百五十八卷

林姓部列傳二

宋二

林叔豹

按萬姓統譜叔豹字懿文末嘉人建炎初爲慈溪令廉明勁直高宗南巡戒衛士毋苛擾聞寇騎至境邑人驚避有武悍之人一二人爲民所訟叔豹捕而斬之於是遠近知畏絕擄掠之患寇破明州僞立蔣安義爲守寇退叔豹率鄉兵入城杖死安義一郡以安高宗駐蹕臨安召爲監察御史

林公武

按閩書公武不知何許人建炎初避地城南時葉儂作亂挺身持帛書詣壘招降賊疑爲間諜執而且殺之賊取琰卜神曰必立琰迺免琰下倚案而立賊異釋之

林珣

按八閩通志珣字德潤長溪人紹興初求直言珣上砭石論四十七篇勅補文資尋召對進三劄上面諭

云前見所上書今復見此劉知卿忠義敢言不滅唐馬周也改秩歷無錫宣城令以樞密楊彥質薦知無爲軍又知太平州終朝奉大夫

林栗

按宋史林栗傳栗字黃中福州福清人登紹興十二年進士第調崇仁尉教授南安軍宰相陳康伯薦爲太學正守太常博士孝宗卽位遷屯田員外郎皇子恭王府直講除右司員外郎遷太常少卿知湖州改知潭州除祕閣修撰進集英殿修撰知隆興府召對除兵部侍郎朱熹以江西提刑召爲兵部郎官熹既入國門未就職栗與熹相見論易與西銘不合至是栗遣吏部趙之熹以脚疾請告栗遂論熹本無學術妄自推尊太常博士葉適上封事辯之於是侍御史胡晉臣劾栗出知泉州又改明州奉祠以卒謚簡肅栗爲人強介有才而性狷急欲快其私忿遂至攻詆名儒廢絕師教殆與鄭丙陳賈何澹劉德秀劉三傑胡紘輩黨邪害正者同科雖疇昔論事雄辯可觀不足以蓋晚節之謬也

林之奇

按宋史林之奇傳之奇字少穎福州侯官人紹興二十一年進士第調莆田簿改尉長汀召爲祕書省正字遷校書郎以癘疾乞外由宗正丞提舉閩舶參師議遂以祠祿家居自稱拙齋淳熙二年卒

林紹堅

按潮州府志紹堅字民望福州府人宋紹興甲戌進士拜侍御史歷官銀青光祿大夫移家潮之海陽縣築廬隱於鳳樓下宅於揭陽地美隆津都再遷田頭

老園置莊田九千餘畝將海陽縣豐政東莆登榮登隆江東大埔縣清遠慈洲田地塘六千八百四十八畝於開禧元年施人開元寺贍僧祝聖郡守趙師男奏聞奉旨勅本寺建祠立像崇祀

林湜

按福寧州志湜字正甫赤岸人紹興庚辰進士調富陽尉改知晉江縣秩滿判南劍州除監察御史論劾甚銳上諭爲殿試詳定官論靜江知府錢之望上罷之望出湜爲江西轉運判官歷太府司農卿力請外除湖北轉運副使進直龍圖閣致仕嘉泰二年卒

林大中

按宋史林大中傳大中字和叔婺州永康人入太學登紹興三十年進士第知撫州金谿縣已而主太常寺簿光宗受禪除監察御史論大理少卿宋之瑞不報大中以言不行求去命知寧國府移贛州寧宗卽位召還試中書舍人遷給事中太府寺丞呂祖儉以上書攻韓侂胄謫置韶州大中掾之汪義端頃爲御史以論趙汝愚去至是侂胄引爲右史大中駁之改吏部侍郎不拜以煥章閣待制知慶元府丐祠得請給事中許及之繳駁遂削職後提舉冲祐觀乞休致復元職監察御史林采論劾再落職尋復之大中罷歸屏居十二年未嘗以得喪關其心侂胄誅卽召見試吏部尚書除端明殿學士簽書樞密院事嘉定改元兼太子賓客乞身歸卒諡正惠

林外

按泉州府志外字登塵工詩詞遊太學嘗題吳江垂虹亭人以爲不食烟火語紹興三十年第進士知興

化令所著有嬾窠類稿

林安宅

按萬姓統譜安宅侯官人紹興間進士歷知新昌縣戶部郎中兼權樞密院檢詳諸房文字孝宗卽位擢左司郎中試右諫議大夫遷同知樞密院事兼權參知政事安宅爲人剛毅有守直諫多聞凜然立朝有古諍臣之直敏於從政爲時良吏之師

林枏

按萬姓統譜枏字子方孝澤之子紹興中登第孝宗時知信州陞辭論清議者忠臣節士之所慕而權幸讒諂之所憚也奈何惡之又言監司郡邑用武臣非祖宗故事至郡裁驕兵斥公帑代輸物力錢民德之再調江西運判

林保

按萬姓統譜保字庇民鄞人登上舍第兩從廣西帥辟掌管機宜文字時將士率俘平民冒賞保嚴正之家居十餘年著中興龜鑑上之高宗賜書褒美紹興七年除提舉江東常平茶鹽九年入爲國子監丞遷比部郎修定鄉飲酒禮頒行天下

林國鈞

按萬姓統譜國鈞字公秉莆田人早遊場屋率不利自三舍法罷遂不復有仕進意高宗朝授迪功郎加承議郎致仕好施與務以積陰德爲心建紅泉義學以淑俊秀置義田以贍四方從學之士年九十齒髮落復生作亭名曰同年子二人充南安軍司戶參軍褒建寧府司法參軍

林維屏

按八閩通志維屏字邦援長溪人少從義豐先生游通性理之學而於易詩書尤有所造詣梁克家判福州延禮於郡庠講道授業一時學者雲集克家深器重之所著有易詩書春秋等論韓柳辨疑語錄諸書學者稱為榕臺先生卒貧不能葬縣令劉既濟爲卜地安厝後縣令黃龜朋爲立祠今祀於學宮

林一鳴

按萬姓統譜一鳴字聞卿莆田人父之正廕補官梁克家當國起知南雄府改知惠州請發常平倉賑羅饑民奏罷賣口食鹽淹造鹽鈔紙官酷爲民病者十數事又爲文論民力學種麥墾荒田陂塘及時修整去喪樂禁殺牛等事居民有殺牛方揮刀間牛墾斷繫奔至廳所若有所訴見者驚異一鳴命飼牛兼治其屠人以爲仁化所及官滿之日惟圖書數篋而已

林萬頃

按八閩通志萬頃字叔度福清人有詩易春秋解

林象

按萬姓統譜象字商卿幼孤隨母鞠於外祖陳大升家以故得盡讀六經百氏之書多聞元祐名臣出處大節與宋累朝典故後僑居真州又得事劉安世任伯雨陳瓘諸公而與任申先象兄弟爲忘年友紹興初嘗爲僉樞徐俯禮致而終不肯受其薦奉母歸閩叔水盡歡母歿衣衾棺槨宅兆必盡其誠終喪不謀婚娶寓跡龍華寺法華庵旁所居軒曰聽雨小園曰意足日怡然於其間縣官希見其氣味或可語時一見之非其所好扣門不納也處之四十年如一日隆興初春監司帥臣列薦有旨召赴行在力以疾辭

孝宗爲再促召亦不赴乾道四年詔特與進士出身添差興化軍教授未一考而卒年七十自號萍齋

林光朝

按宋史林光朝傳光朝字謙之興化軍莆田人隆興元年以進士及第調袁州司戶參軍乾道二年改左承奉郎知永福縣名爲秘書省正字歷著作佐郎進國子司業是時張說再除僉書樞密院事光朝不往賀遂出爲廣西提點刑獄移廣東茶名拜國子祭酒除中書舍人吏部郎謝廓然由會覲薦賜出身除殿中侍御史命從中出光朝立封還詞頭天子度光朝決不奉詔改授工部侍郎不拜遂以集英殿修撰出知婺州光朝因引疾提舉興國官卒

林頴

按福清縣志頴字叔嘉隆興間爲博士弟子憤湯思退倡和議率同官伏闕攻之淳熙初進士廷策以復境土斥權倖爲對由安溪簿錄事累太學博士條陳十二策未獻而卒

林謙之

按尚友錄謙之莆田人隆興中下第歸專心聖賢踐履之學晚登仕版在詞掖多論駁不得其言而歸號文軒先生

林行可

按福州府志行可字叔候官人乾道壬辰進士知尤溪縣時值政務蠹壞鈐曹無肯就注擬者諸司以行可薦至官修政事辦財計禁苛擾振士風其政治皆可遵行其後黃揆繼之勤敏濟以仁厚理財撫民不爲表暴戶給人足而田里獲安揆字端甫永福人

乾道己丑進士

林璞

按長洲縣志璞字伯振乾道中爲長興簿尋知武昌縣嘗云交代有子孫之契不宜交惡金穀儻有虧欠當即與交頭無令滯其批書時人稱其長厚弟琰字玉圭善篆書同舉進士

林藏

按萬姓統譜藏字子禮吳人舉進士乾道中爲浙東提舉常平五年知秀州所至有善政博學高才尤長於漢隸

林頤叔

按溫州府志頤叔字正仲瑞安人與弟淵叔俱受業陳止齋頤叔登乾道第仕羅源簿民俗親死糜其骨和以衆薰凌風飄揚曰升天頤叔導以甕塚惡俗頓革有大辟坐刃殺者辨爲艾瘡釋之遷建康戶部贍軍酒器庫丁父憂哀毀成疾卒淵叔字懿仲登淳熙第官揚州司戶

林震

按尤溪縣志震字有則積之曾孫原名振登乾道五年進士初任南雄府保昌縣以賞改承務郎知建陽縣及贛州石城縣歷僉書平海軍節度判官廳公事監行在左藏性至孝丁父憂執喪盡禮及壯從仕所至以強敏稱

林宗臣

按閩書宗臣乾道八年武舉第一歷襄陽機宜攢閣門舍人輪對言泉漳汀三州經界不行之弊激切有所指朱文公亟稱之出知欽州條奏邊備甚悉

林鼎

按萬姓統譜鼎字伯和黃巖人乾道八年進士爲奉化簿改定海丞遷知候官縣所至守己愛民不以聲色徇上官與弟鼎同爲朱子門人

林夢英

按萬姓統譜夢英字叔虎與陸象山年相若篤信其學遂師之登淳熙二年第授祁陽簿再調衡州法曹所至整飭精明爲部使者及郡守所知一日改官五郊俱集改知武陵縣寬民戢姦興學勸教士習丕變通判靖州討平洞蠻知武岡軍未上退居城西金石臺建樓藏書徜徉其間端明薛公叔辟以爲宣撫司叅議官在幕府六閱月罷歸召除國子監丞遷宗正丞權工部郎又除祕書丞權司封奉祠歸年踰八十人稱山房先生

林子冲

按萬姓統譜子冲字通卿之奇從子學問德業有聲鄉里間士宗之者數百人淳熙中登進士第初爲南豐簿時郡守陳岐欲修二陳禮樂書以子冲大儒之後延以特榻子冲隨文釋義補闕訂訛書成周必大楊萬里皆稱其精密以哀毀卒年僅五十有四自號雲岫居士

林公玉

按萬姓統譜公玉字文振連江人年十三善屬文淳熙中擢進士第調建武教授郡初未有登第者公玉精講解嚴課試節浮費糊貢士莊由是舉進士者輿內州等郡人祠之於學

林仲彝

按溫州府志仲彝字清叟平陽人登淳熙第由吏部郎出知台州於平陽築陡門三所開河道五十五萬五千九百丈溉四鄉民田至今人興河洛之思

林易簡

按漳州府志易簡字一之與施允壽皆以旦評推重朱文公守郡日延之於學爲諸生楷式載之公牒各有品題云

林肅

按萬姓統譜肅字恭之淳熙三年進士少有文名從遊艾軒林光朝之門試教官科中首選調臨安府學教授卒

林宗放

按萬姓統譜宗放字問禮貌古色莊居鄉以孝友稱淳熙丁未舉進士廷對激切宰相周益公奇之授潭州教授改通州州學舊刊二諫集錄載章子厚奸狀郡守子厚孫也欲去其板宗放執不予調太平州四方學徒至數百人宗放升堂辨析皆發揚至理士多契慰改知蘭谿縣推折豪強奸吏屏氣部使章良肱薦於朝時相驚曰此余丁未同登也尚在常調邪欲處以館閣不果授廣州通判遂乞祠歸

林大齡

按萬姓統譜大齡淳熙中知貴州有政績部使者嘗有詩云戶長盡蠲民不病室家相慶酒頻沽農桑課績無遺恨循吏聲名並兩都

林公洽

按萬姓統譜公洽長樂人以四歲全通九經淳熙七年中童子科授迪功郎

林祖洽

按萬姓統譜祖洽淳熙中知常州尊禮耆儒延見秀士民頌其功

林拱辰

按溫州府志拱辰字巖起平陽人淳熙武舉換文登第歷太府丞工部尚書除淮西安撫直實謀閣淮東運判兼提舉知揚州改知婺州廣東經略安撫立朝剛介不附史韓有詩傳刊於平江春秋傳刊於婺州弟應辰字渭起同榜進士監尚書六部門著有易說騷解子嗣宗漳州倅

林孔昭

按龍溪縣志孔昭字潛夫淳熙進士知永福縣有聲稱時丞相周必大薦除國子監簿遷監丞復用薦者言出知處州

林武

按溫州府志武字景文永嘉人孝友冲約博通經史朱子講學武彝武徙步從之受中庸衣錦之旨歸扁其室曰尚綱輯所聞爲語錄後以恩科授河池尉秩滿廣漕交辟不赴父年者跬步不離及卒哀毀骨立歲歎出私財賑濟遠邇賴之子賀孫知柳州孫壽夢桂俱登科時同郡錢木之徐寓徐容包定俱從朱夫子學

林恪

按台州府志恪字叔恭從晦菴游嘗語之云爲學只要至誠耐久無有不得不須別生計較思前算後也其所記文公語甚多如論終食不違論孔顏樂處論集義論求放心數條咸切日用其所以學亦槩見矣

林椿

按浙江通志椿錢塘人工書花鳥翎毛瓜果師趙昌傳色輕淡深得造化之妙淳熙年書院待詔賜金帶

林瑑

按福清縣志瑑字景長挺之子淳熙甲辰進士第二人教授鄂州三爲轉運幹辦秩滿有旨待掌故執政欲挽授辭歸久之除吏部架閣嘉定初除國子正改國子博士請外知興化縣改知泉州又改知袁州俱引疾不拜寶慶初召再辭除寶章閣子祠

林洽

按泉州府志洽字濟叔事親盡孝人士稱之淳熙十四年進士有文名知福州閩縣爲政廉勤通判鎮江府卒

林學蒙

按萬姓統譜學蒙字正卿一名羽永福人從朱文公學因築室龍門菴講明道德性命之旨不務俗學鄉人皆尊之有梅塢集傳於世弟學履字安卿與羽同學於文公之門

林暮

按萬姓統譜暮字不顯連江人從林之奇游與呂祖謙爲同舍生祖謙少暮數歲暮手抄其詩文默誦之及祖謙講學受徒暮屈首受業從諸生後唯謹祖謙曰此閩中瑞物也

林憲卿

按萬姓統譜憲卿字公度懷安人從朱文公學色溫氣仁擇言謹行誨人必以義理鄉鄰化之皆循循雅飭其徒吳宗萬林士蒙俱知名早卒後憲卿死無子

鄉人即其所創存齋祠之

林亦之

按萬姓統譜亦之字學可福清人林光朝之高弟也光朝嘗講道於莆之紅泉及卒學者請亦之繼其席門人或勸之著書亦之作詩曰講學紅泉不著書只將心學授生徒趙汝愚帥閩日嘗以亦之學業上於朝命未下而卒

林用中

按萬姓統譜用中字擇之古田人始從林光朝學後聞朱文公授徒建安復往從焉文公嘗稱其通悟修謹嗜學不倦謂爲畏友與蔡元定齊名

林夔孫

按萬姓統譜夔孫字子武古田人號蒙谷朱文公門人也黨禁起學者更事他師惟夔孫從文公講論不輟文公易簣之際謂之曰道理只是如此但須做堅苦工夫嘉定中特奏名爲縣尉

林大春

按萬姓統譜大春字熙之古田人朱文公門人也嘗題十六字云仲尼再思曾子三省子何人也敢不修整號慥齋大春家世崇尚理學臨終戒子弟不得用浮屠法至今子孫猶以文行世其家

林仲虎

按萬姓統譜仲虎字景瞻寧德人慶元中應武舉廷試第二嘉定初檢詳林樞使北辟仲虎爲屬金人邀私覲仲虎力辨不屈至金錫宴值宣仁后忌日仲虎秉禮固辭金人不能奪仲虎知兵未可定乃上疏其略曰樂因循者狃於私意言進取者病於寡謀爲今

之計當重發而必成不可輕出而苟且件用事者意出守浮光後宰執復舉仲虎使北議和除右騎衛中郎將充通謝副使至濰陽聞淮西失守而止仲虎能屬文尤長於詩有百將詩及雜詩行於世

林頤壽

按萬姓統譜頤壽字褒世晉江人父附貢辟雍祖母楊氏嘗苦背瘍潰爛徑數寸頤壽曰敗膿在中浸蝕旁肉若按拭則不堪痛楚乃俟其熟寐潛舐數藥而愈廬父墓有芝產之瑞事繼母彌謹繼母卒廬墓有白鵲數十往來廬上人以爲孝感頤壽博覽經史尤工大字業醫所活甚衆切脈言生死遲速無差里人爲著孝友傳年六十八一夕談笑而卒號華陽處士

林瀛

按泉州府志瀛字廣叔慶元二年以明經第進士知廣州東莞縣以政績最諸邑使者薦召除監左藏庫遷國子監簿知汀州卒

林孝聞

按福州府志孝聞字質夫福清人慶元己未進士知建寧縣爲政廉明尤工於文嘗捐俸置田充學計號林公莊

林仲麟

按萬姓統譜仲麟字景仲寧德人個儻有大志慶元中與楊宏中等六人上疏救趙汝愚韓侂冑怒送毘陵編管仲麟毅然不少詘時有慶元六君子之稱

林略

按宋史林略傳略字孔英溫州永嘉人慶元五年舉進士歷饒州大寧監教授辟幹辦四川茶馬司公事

遷武學博士國子監丞太常寺丞奉祠拜宗正少卿遷右司諫尋遷左司諫拜殿中侍御史升侍御史試右諫議大夫嘉熙三年以端明殿學士同食書樞密院事以資政殿學士致仕淳祐三年卒

林萬

按泉州府志萬字仲至永春人慶元五年省試第一連登進士調惠州教授歷三省掌故恬於榮進以謁光範爲恥未幾劾罷復爲沿海制司幹官改知宣城縣

林伯成

按高郵縣志伯成嘉泰四年教授高郵以郡學規模狹隘卽舊址撤而廣之諸士咸之爲立祠於四賢堂之南肖其像於中祀之後知高郵軍有德政

林文之

按萬姓統譜文之字子彬福清人宋季文體纖弱文之獨用意爲古文平易高古學者皆宗師之劉克莊嘗謂文之曰後來文印屬之子矣所著有通鑑綱目

林干

按廣西通志干嘉定中爲邕州監官郡守斂金以媚宰相干以媚竈之意責之後以罪誅罷去人甚冤之

林礪

按萬姓統譜礪字豈獻嘉定十三年登進士少負雋聲從游者衆曜軒王邁嘗師事之官止海陽縣尉同邑林蒙亨字宿西其學於天文地理諸子百家之書無不該貫莆泉學者多從之而邁尤加敬焉兩預鄉書不第後以子有之恩贈朝請郎

林有之

按萬姓統譜有之字公伯宋卿之曾孫嘉定間進士授賀州司法居民以茅竹爲屋有之請於州代以土瓦賀民之有棟宇者自此始再調肇慶司理獄訟平允郡守賢之命攝教官改知古田縣通判建昌軍攝郡總所綱運不辦有之積俸錢補發秩滿知南雄州未至而卒官終朝散郎

林宋偉

按永福縣志宋偉字力叟嘉定進士累佐浙幕平金有功嘗督兵討沉溪蠻削平猺洞破賊寨降賊黨移吉州倅進湖北運判廣東提刑自稱橋園居士

林符

按宋史理宗本紀潭州民林符三世孝行一門義居詔旌表其門

林瓊

按福清縣志瓊字景溫舉進士爲仙游丞端平改元瓊已居休休除知寶慶府解除直祕閣主管崇禧觀淳祐改元年八十八進直天章閣主桃源祠年九十終有通鑑記纂

林希逸

按福清縣志希逸字肅翁號龍溪齋縣之漁溪人也曾祖昌言紹興進士希逸端平之元解試省試俱魁入太學明年成進士爲平海軍節度推官以清白稱淳祐中遷祕書正字因對乞伸言路早決大計以慰人望理宗皆開納歷翰林權直學士兼崇正殿說書八年以直祕閣知興化軍嘉定四年爲司農少卿所著有易講春秋正附篇老莊列口義考工記解竹溪十一稿行於世

林彬之

按萬姓統譜彬之字元質莆田人端平中第進士遷監察御史首疏言天命人才民心又乞援仁宗故事早立皇儲拜左司諫史嵩之經營復出力乞扶公道擬定力嵩之卒不用遂爲殿中侍御史劾京尹罷之權工部侍郎景定中以先朝者舊卽家除寶章閣待制

林貽

按永嘉縣志貽字藏英登淳祐第教授靜江府以周程諸書爲學者講說又置乳洞莊以資貢士除國子錄歷宗正簿書著作郎知徽州除監察御史遷起居郎進吏部侍郎

林一龍

按永嘉縣志一龍字景雲性直諒樂道人善精古文詞淳祐間教授紹興除史館校閱遷宗學諭兼說書有石室文集

林宗道

按尚友錄宗道字仲學福清人性聰敏爲文章一不經意詞氣豪逸頗以材器自負尤善隸書晚年用筆益蒼健景定間嘗領鄉薦

林憲

按僊居縣志憲字文叔評事澤孫也性慷慨好施與每遇嚴冬深雪時夙興四顧里有朝煙不作午戶不啓者輒遺以米炭景定二年蝗食不餓殍枕藉於途捐廩以賑不給復罄所有易粟繼之家由是日落終不之晦子濟舟字良甫以進士授融水令多惠政

林景職

按浙江通志景職字德陽太學生當楊髡發陵時故為丐者背竹籬持竹夾遇物夾投籬中又鑄銀作兩許小牌繫腰間取賄西番僧日餘不敢望收其骨得高家孝家斯足矣番僧左右之果得高孝兩朝骨為兩函貯之歸葬

林逢龍

按溫州府志逢龍字慶雲平陽人游郡庠從父湖北提舉以胄牒補太學景定庚申有邊警上書陳戰守計淳熙丙寅與弟廷龍叩闕言事忤時宰意歸鄉里郡守江萬頃待以師禮壬辰復至京師與同舍齊應魁等上封事乞正賈似道快國之罪急調兵解襄樊圍似道大怒削其籍押還本貫乃屏居寶巖山中德祐丙子元兵至溫其將素聞逢龍名令軍校至山中索得之迫以入城逢龍攘臂怒罵以腹觸其刃而死所遺文有草塘集二十卷古論十卷

林公一

按萬姓統譜公一字道初樂清人端介高明博覽羣書善屬文年二十舉於鄉景定己未進對有司第其策宜為第一會時相丁大全請於理宗以公主下嫁大魁乃屬周震炎於其私人抑公一第二時論喧然不平初調興國軍判官除宗學諭卒

林耕

按萬姓統譜耕景定初攝惠州事為政慈祥嘗有盜為人所獲送於官耕察其迫於饑寒從容諭之且遺以錢三緡而歸之自是境內無盜

林大有

按萬姓統譜大有字亨之江州倅一鶚之孫父渙都

昌令大有年十六即棄舉子業千里求師授六經不為章句之學暇則觸客賦詩招捕使陳轉將聞於朝授以官大有搖手止勿破戒咸淳初以子雷龍預薦賜迪功郎命書下僅一御冠帶拜於庭退即易褐如他日語子孫曰生稱善人死表於墓曰處士吾願足矣子霖龍承信郎監湖州蛇浦稅

林公遇

按萬姓統譜公遇字養正瑒之子會祖遜龍圖學士祖延知杭州與瑒三世皆早退公遇性孝謹恬退初以父蔭補寧化尉不忍舍朝夕養乞奉南岳祠及父喪服闋調建之戶曹復辭不就乃營精舍以居扁曰寒齋研思道理考論古今閨門雍睦贈給宗黨肥遯山水者二十年一時名公卿若李韶方大琮趙以夫杜範皆極力薦引終不起既而詔復薦之朝廷重違其意改令入官主管仙都觀及卒學者私謚曰文隱所著有石塘閑話求心錄數卷

林介卿

按泉州府志介卿晉江人登咸淳十年進士尉漳浦遷羅源令有惠政民愛之如父母再調龍巖時巨寇出沒介卿修西寨募民儲穀時加訓練號令嚴明寇不敢犯錄朱文公論俗榜以教民旌孝門錄死事有古循吏風卒於官

林馴

按萬姓統譜馴寧德人少穎悟清修苦學博極羣書雖山經地志稗官小說釋老之書無所不覽德祐丙子以易魁鄉薦著述甚富皇淦前後集源流至論行世

林以辨

按萬姓統譜以辨字子臬秘閣修撰積仁之後祖應成字汝大嘗受學於黃績得潘柄陳密之傳咸淳中與長子棟同登第歷官宗正寺簿宣撫司機宜宋亡不仕年七十二卒父柄贈曲陶郡伯以辨通易書春秋尤善說詩究心程朱之學福泉之士爭聘為師方在泉山一日促歸未浹旬卒朱文憲稱其明死生之際云

林琦

按宋史鄭鳳傳林琦閩人也德祐二年元兵迫臨安琦結集忠義數千人捍禦海道以功補宣教郎文天祥開府南劍琦佐其幕琦外文采內忠實數涉患難無怨懟辭及潮州移屯琦俱被執至惠州遁復執之北行赴水為吏所抹至建康以憂憤死

林同

按福州府志同字子真別號空齋福清人公遇之子也陰官家居性慷慨好義宋室將亡同以其先累世事未恥臣於元起兵募眾已復取福州與化南劍三郡未幾三郡降元元兵至同盛服坐堂不屈而死

林空齋

按宋史林空齋傳空齋未福人失其名父同官至監丞空齋舉進士歷知縣解官家居益王立張世傑圖泉州乃率鄉人黃必大劉全祖即其家開忠義局起義兵復永福縣北兵至屠永福必大全祖等走它邑空齋見執不屈而死

林道玖

按臨高縣志道玖博文人幼好老莊言及長愈悟元

機結茅於香林棲跡修真能呼風雷立降雨澤嘗以履擲水化為魚或騰身輕舉數十丈豎旗劍於空中景炎二年蛻解鄉人名其所居為崇真堂肖像事之號曰妙道真人

林守威

按萬姓統譜守威公安人早喪父事繼母曹氏甚謹曹卒未葬鄰家火急守威升屋呼天風返無恙時人驚為孝感

元

林桂發

按丹徒縣志桂發字德馨其先錢塘人徙京口為太學生與葉李等八十三人伏闕上書言賈似道誤國害民之罪咸淳甲戌附正奏進士出身宋亡應召授鎮江路儒學教授終淮東道儒學副提舉

林庭秀

按濱州志庭秀渤海縣人大德元年大饑發粟賑民後子孫相繼榮顯

林起宗

按萬姓統譜起宗內丘人自幼力學嘗從劉因遊深得道學之指既而教授於鄉後學多宗之嘗著心學指南心學淵源二圖及大學論語孟子中庸諸圖考經圖解小學提辭諸書

林興祖

按萬姓統譜興祖羅源人舉進士知鉛山州誅豪民吳友文政聲遂著繼陞道州路總管稽賊以其廉愛三年不犯境虫食麥禱雨而虫死又為之罷興作賑貧之輕徭薄斂郡中大治

林以順

按八閩通志以順字子睦積仁之後至治初進士第調慶元縣尹有弟殺兄而以賄免者以順發其獄按法誅之移浦江縣尹改台州路推官治獄皆有善狀歷江西儒學提舉福州知州除福州路同知致仕年八十一終

林廣發

按漳州府志廣發字明卿龍溪人嘗謂陳安卿號北溪高彥先號東溪蔡汝作號南溪因自號曰三溪善古文工唐詩郡學三聘為諸生師以部使者薦授安溪學職普寇作奉府檄招降以勞版授其縣主簿每俘至委訊輒曰此平民也府帥問何以辯曰獲於巢穴者為賊捕於井里者為民此俘皆自井里得之何謂賊自是俘至多免死福建分省請置汀漳屯田萬戶府以廣發為其府經歷未久卒所著有三溪集傳於世

林泉生

按福州府志泉生字清源永福人天曆中進士授福清州同知轉泉州經歷漳州推官擢知福清州累官翰林待制行省郎中為翰林直學士知制誥卒諡文敏泉生遂於春秋工詩文多雅略有將帥才屢建武功時號能臣

林喬年

按浙江通志喬年字松深養高不出總服共爨無間言建沙埭二閘溉田萬餘頃鄉人賴之

林鳴善

按太平縣志鳴善太平鄉人博覽羣書尤工於詩元

季僂寓郡城不慕仕進號梅南有梅南稿藏於家

林鳳陽

按黃州府志鳳陽事母孝宅失火獨負母出家貨悉棄不顧有過客憐之遺以金謝不受治春秋不第奉母屏跡林泉吟咏自適

林來嶽

按新寧縣志來嶽字鎮寰生而穎異一目十行俱下垂髻遊泮成童食餼每試多冠軍以禮經入棘闈者十一登鐵榜者二宋方伯額其門曰滄海遺珠廷試授衡州府訓陞四川建昌諭著作甚富戴經解芙蓉集其尤也卒年八十七

林昉

按太平縣志昉字仲昉半嶺人別號曉菴由薦辟官國史檢閱善屬文尤深經學嘗作穀梁論辨震雷月食等說陸修正謂可以羽翼經傳曾孫伯雲攜其集至金陵太史宋濂獨愛乳甘記一篇謂其行文絕類西漢所著有舟丘小稿牛山文集

林夢正

按江寧府志夢正號古泉元時以著述薦補溧陽州校官賊首張三舍倡亂為夢正所獲罵曰爾祖父世為國家臣子忍為賊耶收繫獄寇勢猖獗甚劫三舍以去募生得林教授者有賞夢正為所獲賊欲降之夢正不可賊怒殺之

林原佐

按龍溪縣志原佐文山人至正二十八年海寇薛均祥犯境鄉人築砦於文山為自全計官軍意其皆均祥黨欲盡誅之原佐避難郡城備牛酒冒白刃往告

主帥帥感其言爲解圍去砦中數千人賴以全活

欽定古今圖書集成明倫彙編氏族典

第三百五十九卷目錄

林姓部列傳三

明一

林溫 林榮 林景初 林鴻 林遜 林和玉 林祖 林海霖 林士講 林瑜 林珏 林文秩 林環 林紹 林希蔭 林震 林洪中 林聰 林京 林鶚 林同 林大猷



林瀚 林泮 林俊 林廷玉 林富 林文俊 林炫 林宗篆 林公輔 林有孚 林本著 林雲同 林應亮 林應麒 林嫌 林潤 林咸 林田 林勝榮 林周夫 林以靖 林國祥 林時嘉 林正 林霄 林廷選 林茂達 林庭棉 林大輅 林春澤 林應聰 林希元 林文貴 林應標 林春 林庭樞 林椿 林廷興 林鐸 林楚 林士章 林初仔 林昌 林喬相 林向榮 林桂芳

氏族典第三百五十九卷

林姓部列傳三

明一

林溫

按浙江通志溫字伯恭永嘉人元季以春秋魁鄉薦文名傾海內洪武初授秦王府教授典浙閩二省鄉試宋濂稱其詩文本于氣之所養與世之學者自異著有栗齋文集

林弼

按萬姓統譜弼字元凱龍溪人元至正中進士有文詞著聲閩浙間仕爲郡幕官入本朝與修元史授考功主事使安南贐以金珠弗受其王強致之既還悉獻于朝朝廷嘉之賜以白金尋命知豐城有善政後爲考功郎中出爲登州知府所著有文集

林榮

按福清縣志榮字得仁洪武初以貢入太學選入禁庭爲承勅郎諫慎齋飭每在上左右勸上虛己納諫無殺戮太過忤旨左遷泗州知州六載理冤抑撫凋瘵典學勸農士民德之觀風使者薦其賢召爲兵部侍郎曉暢軍務綜理周詳尋擢本部尚書後因宋濂忤旨帝欲殺濂皇太子懇救不允太子赴御河時榮在側奮不顧身護之威風寒暴卒贈太子少保

林仕猷

按澄海縣志仕猷字汝文號質翁鰲浦都月浦人孝友廉潔學問淹博尤善吟咏洪武初由儒士授揭陽縣教諭陞本府教授名重一時宋學士濂云潮去京師八千里林君不出州里而予知其名其所造不既

深平年六十六卒于官

林景初

按太平縣志景初絃歌鄉人少穎敏漁獵子史百家山水自娛尤篤孝友洪武初求遺材知縣梁德遠致書勸之仕卒以疾辭隱香城山自號獨隱居士

林端

按福州府志端福清人洪武初由選舉知玉山縣廉介有為愛民如子門無私謁而常好接賢士以咨詢民瘼陞刑部主事

林鴻

按名山藏臣林記鴻字子羽福清人洪武中薦辟試龍池孤鴈二詩稱旨授將樂訓導官終膳部郎中與閩縣周元鄭定候官黃元王褒唐泰長樂高棟王恭陳亮永福王偁號閩中十才子

林思英

按寧海縣志思英字嘉庵昇之弟也洪武戊午以人材授福建汀州知府居官躬節儉撫字民甚德之任五載聞母訃悲悼不已背血迸流七日身殞扶觀歸日行李蕭然路費不給子尹昭沿途告貸時稱為林清孝云

林遜

按潮州府志遜字志宏潮陽人與同郡楊璧師事蔡希仁傳古文尚書居常究心當世之務成洪武乙丑進士授閩縣丞歲饑請賑全活甚衆為夏原吉所知入覲賜勅還因上書請厲沿海捕魚之禁上優詔褒答焉在官四年卒年四十所著有尚書經義藏于家

林嘉猷

按浙江通志嘉猷名昇以字行寧海人洪武丙子以儒士校文四川入史館累遷至陝西按察僉事事親

以孝稱方孝孺教授漢王嘉猷不遠七千里師事之孝孺獨以嘉猷為善以孝孺難坐方黨逮至死之

林和玉

按羅源縣志和玉羅平里人洪武辛卯里人章振祖為叛脅和玉與之俱和玉不從振祖籍其家賞閭門五十三口悉誅之

林士敏

按萬姓統譜士敏名懋以字行莆田人耕五世孫父善同字舜與少好學工詞賦元末領鄉薦署錢山書院山長國初例起赴京師以祖母年老辭既而復起之竟卒於道士敏洪武中由鄉貢入太學踰年署大理寺少卿除刑部郎中以陳言謫南丹州吏未幾初起為南康府知府一意損己厚人衣食至取給於家改淮安府清介愈甚坐不防水患貶南寧府鎮鄧巡檢辟為常州宜興縣教諭有芹蘧集匡廬小稿

林祖

按萬姓統譜祖潮陽人家貧讀書早孤遇寇亂失母弟所在遍歷郡縣訪覓至梅州山中得見為寮人所阻祖乃潛赴梅州訴之得還相離十有四年矣以為孝誠所感洪武中有司上其事賜衣九套鈔千貫官終河間府通判

林大同

按蘇州府志大同字逢吉其先長樂人曾祖以下皆官常熟因家焉大同幼孤苦力學六經子史手自抄讀不間寒暑洪武中為開封訓導以病歸未幾初再

召以疾辭所著易經奧義井文稿

林海霖

按利津縣志海霖本縣仁義鄉人洪武間由人材任知縣清約慈惠政善民安有古循良風

林英

按古田縣志英字章叔號劍溪洪武二十九年由貢選山東道監察御史忠清公直屢建諫言革除初曹國公李景隆擅權英抗疏劾之諫知瑞安逾年取復原秩適靖難師至英遂自經妻朱氏亦死殉之

林士諱

按瀘溪縣志士諱號弼宸筮仕龜山發祥之地實具湖蘇作士之風繼令貴陽撫綏苗漢之民各得歡心雖直道左遷而邊徼至今誦德

林樹英

按瀘溪縣志樹英號茹實調選之日發摘奸伏任泰州衛繫時值鹽政森嚴宛轉為民更生睥盞上臺每為起敬

林瑜

按萬姓統譜瑜龍巖人洪武中由太學生授五軍斷事中司稽理遷江西按察司僉事未幾中陞副使居官平恕而民德之後陞浙江左叅政卒于官

林圭

按萬姓統譜圭字信玉莆田人洪武中以明經薦為本邑訓導陞寧國教諭凡六典文衡晚年致仕家居講學明理啓發後進經學詞章為莆邑首稱

林珏

按廣東通志珏漳州府學生靖難繼統詔至珏隨敵

授陳思賢集於明倫堂不出迎詔設舊君位哭如禮郡人執送京師與思賢皆死

林文亨

按萬姓統譜文亨海康人末樂初鄉試第一登進士歷官戶部員外郎為人淳謹鄉曲重之

林誌

按福州府志誌閩縣人末樂壬辰進士第二人授翰林院編修秩滿陞修撰與修性理大全古今名臣奏議以勞擢侍讀尋轉右春坊右諭德仍兼舊職給二俸寵之宣德初卒於官誌之生也其父夢梁僧寶誌入室因以爲名幼穎悟絕人從王偁遊日能記數千言喜辨論偁因字之曰尚默其學于經史諸子傍及天文地理醫卜之說無不研究所著有蓀齋集楊文敏公稱其文簡健學有源委云

林碩

按福州府志碩字茂弘閩縣人末樂壬辰進士拜監察御史有能聲臺中凡疑獄隱伏難詰者必命碩往讞宣德初奉命按浙江毅然負澄清志尋遷浙江按察使時有中貴人裴可力督運海寧守禦湯千戶賄結之碩飛章劾抵罪中貴人怒訴于上誣碩格詔出誹謗語逮至闕下上命釋之復其官在浙江久人懷其惠官終廣東左布政

林文秩

按福州府志文秩字禮亨末樂乙未進士改翰林庶吉士授監察御史號能執法從征高麗從巡邊巡按南畿風裁凜然民奏留之詔復按一歲擢山西按察副使進按察使時有告平陽王文簡妖言惑衆連

及三百餘家文秩察其誣力爲辯釋所活者幾二十人後致仕卒

林文祐

按福州府志文祐字嘉亨與文秩同舉進士初試禮部時文祐蔚然舉首也主考者嫌其名易之後同選爲庶吉士授王府審理改岳州府通判文祐早有盛名宦不達能自砥礪在郡存心愛人政簡而民便之

林環

按萬姓統譜環字崇璧莆田人幼聰慧讀書數遍即成誦甫成童肆筆成章末樂丙辰進士第一除翰林修撰明年陞侍讀預修末樂大典爲書經總裁官兩爲會試考官所取多得人卒于官

林鈍

按八閩通志鈍字叔魯閩縣人末樂中領鄉薦會試乙榜授常山縣儒學訓導常山科第久乏鈍嚴立教條而勤訓督之終其任登賢書者凡八人遷寧國縣儒學教諭亦多所造就嘗典湖廣江西文衡其在湖廣時有士子饒之金求預薦書者鈍白于有司正其罪及卒常山寧國二縣志皆著其賢三子曰清源曰泮曰溶淵俱登進士第遂以清源恩贈工部主事所著有說鈴餘響等集藏于家

林紹

按福州府志紹字淳裕長樂人工五七言律永樂中徵徵不起終布衣所著有林泉清響集

林長懋

按明外史戴綸傳林長懋莆田人以鄉薦歷青州教授擢翰林編修侍皇太孫說書仁宗初進中允侍東

宮講讀爲人剛嚴累進直言宣宗即位出爲鬱林知州坐怨望逮至京被繫長懋淹詔獄十年英宗立乃得釋復其官還守鬱林有惠政其卒也州人立廟祀之

林希蔭

按名山藏本士記希蔭字宜民揭陽人幼能屬文博通五經尤精春秋父客死非命貨錢歸葬母沒廬墓三年有白鳥巢樹蟬子聚檀以數千者三日妻亡不再偶與潮士林厚相友善永樂間俱以孝廉舉希蔭謂厚曰君有父母可以仕祿我恨終天出欲何爲厚累官參政希蔭終身家食有司時饒遺自號貧樂天順間海寇焚劫村落獨大書其門曰林先生屋慎勿燬一日泛舟出遇賊見希蔭衣冠偉坐不敢犯而去族兄與鄉人訟郡守不能決召質之希蔭涕泣曰不能化族黨非善也證父攘羊非直也不對而出季子岩從學陳獻章積善行義不替其家教

林上元

按寧化縣志上元繼母爲賊所掠上元奮不顧身持槍直入賊陳立殲數人且戰且前賊咸辟易竟奪母以歸御史徐具題旌曰孝勇無敵

林震

按萬姓統譜震長泰人篤志問學宣德中進士第一授翰林修撰以疾歸卒於家

林文

按興化府志文字字恒簡宣德五年廷對第三授翰林編修正統初預修宣宗實錄成轉修撰丁內外艱服闋復除舊職景泰三年陞春坊諭德兼翰林侍講七

年陞庶子仍兼侍講天順元年改尚寶司卿拜學士四年請老上不可八年憲宗即位以舊講讀官陞太常寺少卿兼翰林侍讀學士再乞致仕歸卒贈禮部左侍郎諡襄敏論祭葬

林洪中

按龍巖縣志洪中博學工詩文不慕榮利宣德間以戴同吉薦強起之偕計天官辭以母老不受職歸隱賦咏自娛性高潔每自持忠義沙寇劫嚴洪中請師要其去路至上坪遇賊張島仔等脅使跪洪中罵不屈子綬跪曰父老且病吾當代父死洪中叱曰人生當知順逆敢為苟免以虧忠義父子遂遇害

林祥鳳

按興化府志祥鳳宣德壬子鄉薦授鄆城訓導正統十年以學行擢監察御史十四年扈從北狩死於土木之難

林聰

按寧德縣志聰字季聰號見庵七都岫源人正德進士拜刑科給事中英廟北狩世事執掌多所彈擊景泰初遷都給事中廷議迎復英廟之禮聰執議當從厚遷春坊司直尋復吏科都給事中奸者畏惡羅織以罪左遷國子學正天順初起為左僉都御史進右副都御史丁內艱詔起復擒平曹欽成化初陞右都御史巡撫大同邊境肅然明年以疾乞致仕越三年召掌南臺二載入為刑部尚書加太子少保諫獄清明聲賴益著懇疏乞休不允壬寅卒贈少保諡莊敏

林茂

按德化縣志茂字盛之坊隅彭杭人也由歲薦正統

八年授廣東儋州知州持身廉潔宅心仁愛丁內艱服闋補廣西吉州知州時值己巳之變蒙艱論邊死於王事

林京

按萬姓統譜京龍巖人故叅政瑜之子好讀書每觀史至忠臣義士輒撫卷歎慕正統丁卯沙尤賊逼縣境京團結鄉民助官軍守邑城力不能敵借其子綬間道走郡城請援為賊所獲顧綬曰人生當知順逆吾與汝寧死于此毋為反賊所脅以虧忠義遂與綬皆遇害

林錦

按明外史林錦傳錦字彥章連江人景泰初由鄉貢授合浦訓導搖寇充斥內外無備錦條具方略悉中機宜巡撫葉盛檄署靈山縣事城毀於賊錦為櫺以守賊不敢逼盛以狀聞詔即以錦為知縣監司屢薦其才成化改元會連州為賊所陷乃以錦為試知府四年上官交薦令專備欽廉群盜乃以為按察僉事益勤於政久之進副使錦為人誠實洞見肺腑猗蠻莫不愛信其行軍與士卒同甘苦以故多效死所在祠祀

林鶚

按明外史林鶚傳鶚字一鶚浙江太平人景泰二年進士授御史英宗復辟倣先朝故事出廷臣為知府鶚得鎮江治甚有聲居五年以才任治劇調蘇州成化初超遷江西按察使歷左右布政使擢南京刑部右侍郎母憂服除召為刑部右侍郎執法不撓十二年疾卒嘉靖中御史趙大佑上其節行諡恭肅

林雍

按漳州府志雍字萬容龍溪人景泰五年進士授行人以母老乞歸養終喪起復就職憲廟初政雍上疏勸修德格天親賢講學以圖長治久安之計遷司正首勵清操名動一時遷駕部郎中乞歸命下忻然就道長安縉紳大夫皆相與歌咏送之為司正時嘗上疏言周惇頤程顥程頤朱熹其學皆大中至正純粹至善可以興起斯文而當道統之傳宜進而上之列于顏曾思孟以為八配又言陳淳德行道術純正無疵而有衛道之功宜從祀兩廡或有司設立祠堂春秋祭祀以勵士行敦風化疏上不報士論譴之雍乞歸乃謀之林僉憲克賢姜郡守諒建祠祀北溪先生於芝山之麓結屋龍山日與其徒明正學以朱子為宗又修藍田呂氏鄉約月為一會與鄉人相規勸累徵不起年七十五卒於家葬龍山之陽雍與布衣陳真晟同時相師友布衣之學雍契之獨深布衣亦稱其學始終本末有序有要督學周孟中稱雍居官冰蘗未老乞歸清風高節海內仰之漳士大夫講學明道者率遵雍稱為蒙庵先生

林同

按萬姓統譜同字進卿福建人天順進士歷官浙江叅政督理糧儲均賦恤民浙人德之後轉廣東布政常條陳利病二十餘事及督郡縣行之巡按御史王哲奏廉能吏十餘乞旌同為首致仕卒家無餘資

林榮

按萬姓統譜榮字從信莆田人父廷芳永樂十六年進士知新會縣罷歸敦朴能詩殿元柯潛早從之學

得其教育九深天順改元登進士授南京監察御史成化改元榮與諸同官疏言七事皆中時弊二年轉廣東按察使僉事卒年五十六榮威貌嚴重接人謙和事寡姊寡嫂有恩鄉黨稱之

林大猷

按萬姓統譜大猷字子道仕敏之曾孫少有俊聲天順三年舉鄉薦第七授新建教諭勤於啓誨待諸生尤有恩義成化十一年遷國子監學錄關洛晉魯之士慕其學行執經從游者無慮數百人齋舍至不能容大猷爲之編次刻期俾輪番聽講十六年進監丞盡剔宿弊一新舊規而爲諸生講學益勤弗替諸生需次久間有貧者授以衣病者給以藥死者則躬詣哭殮之其喪或屬其鄉人挾之以歸或捐俸爲買地京師以葬會有欲薦大猷江西提學者力以二親未沾恩命及舊游之地不便行事辭尋丁內艱歸服闋復除舊任滿九載陞翰林檢討仍掌監丞事又三載以疾卒於官年六十大猷士行端厚學問該博一時驚動京師卒之日在朝大夫士及六館諸生咸哀悼之子夔第進士拜戶部主事

林玘

按福州府志玘字廷珍候官人天順甲申進士甫釋褐以親老請告蓋終養者十有七年親終起南京刑部主事歷員外郎浙江僉事雅爲王端毅太宰所知擢雲南副使致仕卒玘律已端嚴獄獄明恕在浙有平賊功風節凜然其學精於易泉州蔡清師事之門人得指授登第者甚衆自號雲室山人弟瑋字廷玉成化辛丑年進士爲人正直凝重觀政工部檄修周

藩學城區畫有方撫臣上其事請爲例授行人遷監察御史巡按雲南勦鐵索箐寇滅之轉督學南畿以身訓率嚴考校公勸懲一時學者相慶得師卒於官南畿以瑋同眞文忠德秀先輩列祀學宮

林瀚

按福州府志瀚字亨大閩縣人撫州守元美次子也成化丙戌進士改庶吉士授編修擢修撰尋轉諭德敬皇卽位召修憲廟實錄用爲祭酒遷禮部侍郎改吏部拜南銓正德初改南兵爲逆瑾所深疾謫浙江叅政致仕瑾誅復故官卒諡文安

林正

按萬姓統譜正字克全莆田人成化二年進士授廣東道監察御史正爲人勤敏清慎有氣節立朝論議務持大體不樂瑣屑以沽名九年奉命巡視山東直抵儀真一帶河道補罅濬渾水涯皆令植柳以固堤岸以庇行人往來舟楫便之巡按蘇松常鎮四郡繩違雪枉凜然有風裁明年復巡按廣東至則首詢民瘼輒形於詩曰鳳鸞自古高鷹隼郡邑於今尚蠶絲此其愛民之心隱然可見矣閱月忽遘疾卒於南海行臺年四十一

林泮

按福州府志泮字用養閩縣人成化壬辰進士授南京大理寺評事寺副寺正職獄矜恤多所平反還廣州知府藍囊諸山峒蠻叛服不常泮親帥兵攻擒渠魁又豐湖堡賊劉庚作亂單車造壘論降之擢廣西叅政江西左右布政尹順天進戶部右侍郎正德三年拜南京戶部尚書上疏乞骸致仕歸居數年卒

賜祭葬

林霄

按浙江通志霄五六歲時號奇童成化丁酉中應天鄉試第七連登進士選入翰林陞給事憲宗以其秀哲語洪亮特賜品服出使暹羅竟以議相見禮不合遂不肯宣詔彼乃除館於西郊供帳甚薄霄不屈遂憤憤成疾死詔錄霄子非爲國子生

林俊

按明外史林俊傳俊字待用莆田人成化十四年進士除刑部主事進員外郎性侃直不隨俗上疏請斬妖僧繼曉並罪中貴梁芳帝大怒下詔獄謫姚州判官尋以正月朔星變帝感悟復俊官改南京弘治元年用薦擢雲南副使進按察使調湖廣尋引疾歸久之起南京右僉都御史督操江以母憂歸武宗卽位言官交薦進右副都御史再撫江西遭父憂不果正德四年起撫四川進右都御史乞致仕歸世宗卽位起工部尚書改刑部俊以耆德起田間持正不避嫌既屢見格以爲不得其職義無苟留遂乞致仕嘗爭大禮與楊廷和合及大禮議定得罪者或杖死四年俊從病中上書諫卒後一年明倫大典成追論俊附和廷和削其官其子達以士禮葬之俊歷事四朝抗辭敢諫以禮進退始終一節隆慶初復官諡貞肅達正德九年進士官至南京吏部郎中

林廷選

按福州府志廷選字舜舉長樂人先姓樊林復姓也成化辛丑進士授蘇州推官選監察御史按廣西平寇有功擢浙江僉事歷副使廣東按察司左右布政

入爲大理卿以右都御史奉勅鎮兩廣不數歲遷南京工部尚書未上乞骸賜璽書馳傳歸卒賜祭葬

林廷玉

按陝西通志廷玉字粹夫平涼人本福建候官籍以父芝教授平涼留補弟子員成化癸卯發解明年登進士授吏科給事中劾僧繼曉棄市中外快之遷工科都給事中學士程敏政主會試給事中華敏劾其賣題下獄廷玉言諫官下獄被劾官顧朝泰非法請同敏政入獄以昭公道既同入獄日面數其惡而嘗之由是敏政愧恨至死謫廷玉海州判官稍遷茶陵知州歷右通政都察院右僉都御史巡撫保定慨然有澄清畿輔之志劾太僕寺丞索賂暴民者丞恃中助反誣訟廷玉罷之嘉靖初吏部侍郎胡世寧薦廷玉骨鯁宜引助新政不果用

林茂達

按興化府志茂達字孚可弘治壬戌登進士授行人拜監察御史出按畿甸所部肅然擢湖廣按察副使貴州左叅政往鎮西鄙西人以寧擢雲南按察使以繼母憂歸復補四川尋擢左右布政使陞都察院右副都御史致仕

林富

按興化府志富字守仁弘治壬戌進士授大理評事忤逆瑾謫潮陽丞復以大理事文致罷瑾誅起袁州府同知陞寧波知府外艱服闋補處州嘉靖改元陞廣西叅政癸未入覲以治行卓異陞廣東右布政尋調廣西兩廣都御史姚謨委以思田兵事陞四川左布政連陞都察院右副都御史撫治郎陽陞兵部

右侍郎兼右僉都御史代總督之任嶺東賊王基潛號召海寇黃秀山叛以次討平之累疏乞休

林庭棉

按福州府志庭棉字利瞻瀚次子也弘治乙丑進士授兵部主事歷郎中擢守蘇州陞雲南叅政乞終養服闋起江西叅政歷布政使都御史巡撫保定嘉靖初與永嘉張相不合歸未幾起南兵部侍郎轉工部尋拜大司空九廟兩宮成增秩太子太保以疾乞休賜路費馳傳歸庭棉歷官內外厚下愛人卒諡康懿

林文俊

按興化府志文俊字汝英正德辛未進士改庶吉士授編修擢春坊贊善充經筵講官會推南祭酒凡四上及文俊始允改北祭酒陞南京禮部侍郎轉吏部卒廕一子加贈禮部尚書賜葬祭諡文修

林大輅

按興化府志大輅字以乘正德甲戌進士授工部主事轉員外郎武宗降旨南巡兵部郎中黃華等疏諫下獄大輅上疏論救詔廷杖謫外繼而鄰舍因隙誣奏怨望復被繫連及室人黃氏事白而釋出爲夷陵州判嘉靖改元徵入擢江西按察副使嘗攝南贛兵備錄平寇功陞河南按察使未幾擢右布政湖廣左布政隨擢本省巡撫副都御史歲屬水荒民多流徙加之封藩工役諸司告匱大輅停工蠲賦以贍流移引咎自劾言觸時忌罷歸

林炫

按福州府志炫字貞孚工部尚書庭棉子正德甲戌進士授禮部主事嘉靖初以議大禮忤執政廢於家

後起官至通政叅議卒

林春澤

按福州府志春澤字德敷候官人正德甲戌進士遂於禮經詩詞秀味未正嘉初鮮有儔者官至程番太守享年百有四歲有瑞翁集

林宗篆

按尤溪縣志宗篆十九都人兄宗寬正德間爲沙寇鄧茂七黨所執宗篆計脫其兄以身代賊怒以棕索穿其足曳鋸之不屈以縣纏其手十指濯油焚之又不屈死無完肉

林應聰

按明外史朱泚傳嘉靖三年昭聖皇太后生辰有旨免命婦朝賀泚言不可帝恚且怒下詔獄員外郎林應聰諫并下詔獄逮諫之應聰正德十二年進士莆田人授戶部主事以救泚謫徐聞縣丞代其長朝親疏陳時事多議行

林公輔

按萬姓統譜公輔字質夫長樂人正德進士任大理評事聞武宗南巡上書極諫跪外庭五日杖死其事親居家孝友恭儉與人信詳刑謹細不以一字苟喜怒於人可謂賢者嘉靖初贈太常丞官其一子

林希元

按萬姓統譜希元字茂貞同安人正德丁丑進士歷大理寺丞

林有孚

按萬姓統譜有孚字汝吉莆田人正德進士歷都御史